



e-bilten

OPĆINA TEŠANJ

www.opcina-tesanj.ba

e-mail: fuad.sisic@opcina-tesanj.ba

Ponedjeljak
Broj 53

16.05.2011

1. Tešanjско proljeće završeno
2. Ambijent za investitore
3. Svjetski prvak iz Tešnja
4. Javni poziv za mlade

Ukoliko želite da se prijavite za primanje ovog biltena možete to učiniti tako što ćete poslati e-mail na sljedeću adresu: fuad.sisic@opcina-tesanj.ba. Molimo vas da ovaj elektronski bilten prosljedite svim zainteresiranim u našoj općini. Ukoliko želite da objavite neke od vaših novosti, iskoristite elektronski bilten općinskog načelnika, koji je brz, efikasan i besplatan način komuniciranja sa javnošću. Sa zadovoljstvom očekujem vaše komentare, sugestije i primjedbe.

Molim da ne prinatate ovaj sadržaj. Za svaki nepotrebno odštampan papir mora se bez potrebe oboriti drvo koje raste!

Tešanjско proljeće završeno

Tešanjска poduzetnost

Posljednjih 30 dana obilježio je visok nivo različitih aktivnosti i uspjeha, što je općinu Tešanj kao lokalnu zajednicu dodatno smjestilo u sam vrh bh javnosti pa i šire. Općinsko rukovodstvo već duže vremena profilira jedan moderan i utemeljen pristup na principima okolinske, društvene i ekonomske održivosti, te skladne i pravične socijalne uključenosti. Društveni razvoj se bazira na dostupnosti i kvalitetu javnih usluga, solidarnosti i socijalnoj uključenosti u životnoj sredini koja treba biti čista i privlačna, a ekonomski razvoj na promociji konkurentnosti i preduzetništva do novih radnih mjesta. Ovako iznesene postavke djeluju teorijske, više za knjige nego za stvarnost i to jeste neka vrsta definicije. Ali danas možete prepoznati stvarne aktivnosti na području općine Tešanj koje su potpuno sukladne teorijskim postavkama i očekivanjama društvenog razvoja.



Ovogodišnji sajam tešanjске privrede, kao jedan od ključnih događaja u okviru manifestacije Tešanjско proljeće, u novom ambijentu u Bukvi, ostavio je snažan dojam na snagu lokalne zajednice. Privrednici sa područja općine Tešanj, prije svega, demonstrirali su inovativnost, hrabrost i odlučnost, ali i punu otvorenost na međusobnu saradnju. Kao Općinski načelnik sam ponosan i sretan kada su mi jučer u razgovoru predstavnici REZ agencije iz Zenice kazali da im se samo u Tešnju dogodilo to da im neki poduzetnik kaže: **ja to ne mogu, ali može moj kolega**, odmah ga nazove i uveže nam sastanak. Kažu samo u Tešnju ima ta vrsta saradnje i otvorenosti koja je stvarni primjer dobre prakse, primjer



jednog kulturnog naslijeđa koje polazi od toga da **nisam sam na ovome svijetu**. To je sjajno, i svako od nas treba da bude ponosan zbog toga. Općina Tešanj je prva Općina u Federaciji BiH koja je donijela odluku o emisiji općinskih obveznica i o ulaganju tih sredstva u uređenje infrastrukture poduzetničke zone *Glinište*, Jelah-Rosulje. Sarajevska berza je objavila uspješnu prodaju u prvom krugu, što je bila samo potvrda naših očekivanja o povjerenju investitora u Općinu Tešanj. To je veoma važno. Općina Tešanj je odlučila osloboditi investitore koji otvaraju nova radna mjesta općinskih taksi i naknada u zoni *Vila*. Tako će biti vjerujem i u zoni *Glinište*. Agencija za razvoj Općine Tešanj (TRA) radi na projektu **One Stop Shop**, kako bi Agencija završila sve administrativne poslove za investitore.

Prvo tenisko igralište na području općine Tešanj, izgrađeno u posljednje dvije godine, pored Sportske dvorane, pušteno je svečano u upotrebu 23. Aprila. Nema sumnje da je ovaj teren nova prilika za mlade, za buduće šampione koji će ovdje izrasti. Ali i za rekreaciju poduzetnicima i građanima uopće.

Općina Tešanj je potpisala 05. maja Memorandum o razumijevanju sa UNDP o jačanju lokalne demokratije u području odnosa lokalne vlasti i civilnog društva. Općina Tešanj je odabrana između 42 općine koje su aplicirale za podršku. Odabir Općine Tešanj nije bio po principu etničkog balansa nego na principima dosadašnjih rezultata u odnosima lokalne vlasti i civilnog društva, te veoma visokog nivoa kvaliteta podnesene aplikacije. To je potvrda i referenca institucionalnog kapaciteta Općine Tešanj (uključujući TRA) o kompetencijama u pisanju aplikacija po najvišim zahtjevima. Partnerstvo u odnosima kao izraz starih vrijednosti u novoj formi je stvarni kvalitet naše lokalne zajednice. Partneri grade fer odnose, partneri diu zajedničkim putem, njihovi ciljevi su zajednički iako svako radi svoj dio posla. Bez ozbiljnog i pouzdanog partnera nema pozitivnog ambijenta. Općinska administracija ima pouzdane partnere u privrednicima i nevladinom sektoru, ali i oni imaju pouzdanog partnera u lokalnoj administraciji.

Treći Festival rada srednjih stručnih i tehničkih škola je održan u Tešnju 07. maja. Učenici i njihovi profesori iz cijele Bosne i Hercegovine su taj dan došli u Tešanj da se takmiče. Učenici su demonstrirali vještine na temelju stečenih znanja, nije bilo primarno važno ko će biti prvi jer svi su se mogli osjećati pobjednicima u Tešnju. Gosti su zahvalili na ugodnom ambijentu i druženju, i ponijeli sliku Tešnja kao sredine dobrih ljudi, dobrih domaćina ali i sredine koja zna šta radi i kuda ide.

Tešanjско proljeće je planirano završiti susretom sa majkama šehida i poginulih boraca. Tako je i urađeno. U organizaciji udruženja žena „Naša porodica“ 07. maja je upriličen zajednički doručak u sportskoj dvorani. Tešanjско proljeće je završilo susretom koji nosi bol i tugu, koji vraća sjećanja, ali i koji potvrđuje naš ponos. Oni koji su dali svoje živote, dali su ih u odbrani. Mi smo svjedoci toga. Nisu silovali i ubijali. Mi smo ponosni zbog toga. Nikada zaboraviti nećemo, ali **idemo dalje**. Tešanjско proljeće dolazi svake godine.



Ambijent za investitore

Sve je važno za sliku o lokalnoj zajednici

Jedan novinar me uporno pitao koliko radnih mjesta će biti otvoreno u poslovnoj zoni Glinište koje će Općina Tešanj izgraditi sredstvima od emisije općinskih obveznica! Razmišljam o tome i osjećam da očekivanja javnosti nisu artikulirana na pravi način. A važno je za jednu zajednicu da očekivanja budu u skladu sa realnim okruženjem, mogućnostima i aktivnostima koje se provode. Po gore postavljenom pitanju, koje je iz mog ugla gledano kao takvo nepotrebno za javnost, trebalo je da odgovorim kako je planirano uposliti 2.500 ljudi. Da sam tako odgovorio, pretpostavljam da bi uslijedilo pitanje: *Do kada očekujete da će se zaposliti taj broj?* A onda bih ja kazao u narednih nekoliko godina!

Zbog čega nisam odgovorio novinaru na ovaj način? Iz prostog razloga što po onoj izreci Ajzenhauera: *Planovi su beskorisni, planiranje nema cijenu!* Jedna je stvar kada mi radimo planove koji su u svojoj suštini teorijske mogućnosti, a drugo je kada mi držimo cijeli proces u svojim rukama. Dakle, Općina Tešanj, i uopće vlast u okolnostima tržišne ekonomije i privatnog vlasništva ne otvara radna mjesta. Stoga ne mogu ja govoriti koliko ćemo uposliti kada Općina ne otvara radna mjesta. Vlast u cjelini, a općine u svojoj nadležnosti, izgrađuju pretpostavke za privlačenje investitora koji otvaraju radna mjesta. Općina Tešanj upravo to radi. Vrlo intenzivno u mnogim područjima. Za javnost je važno da se to predstavi, da se predstave aktivnosti, da se kreira pozitivna slika o lokalnom ambijentu, **da se kreira nada**. Za svakog nezaposlenog je važno da to čuje, ali istovremeno, još važnije - slušaju i investitori. Važno je šta će i oni čuti. U informisanju javnosti dominira odnos prema vlasti, a ne odnos prema ukupnom ambijentu. To je sasvim pogrešno i prilično štetno.

Danas se općina Tešanj, kao lokalna zajednica, uvažava mnogo više sa strane nego od nekih sudionika javnog života iznutra. A svima bi trebao biti isti cilj kada je riječ o pozitivnom ambijentu: i poziciji, i opoziciji; i poslodavcima, i radnicima; i nezaposlenim i penzionerima; i studentima kao i onima koji čekaju na pripravnički. Iz prostog razloga jer su nam mnogo veće šanse da zajednica dobije više, da svaka zainteresovana strana dođe u bolji položaj ako se kreira pozitivan ambijent, jer će se dešavati više dobrih stvari. Prije svega, investitori mnogo više vole investirati u lokalnoj zajednici koja ima pozitivnu komunikaciju nego slušati loše stvari koje ništa neće korisnog donijeti.

Jedan lokalni predsjednik političke stranke, tokom prvomajskih praznika je izjavio kako je ambijent u Tešnju najlošiji u ZeDo kantonu. U prvi mah sam htio nazvati ga da odemo zajedno po općinama ZeDo kantona, i šire, pa da vidimo odakle mu takva tvrdnja. Ali sam odustao, jer nije slijep onaj ko ne vidi, nego onaj ko neće da vidi.



Svjetski prvak iz Tešnja

Berina Suljić usnila zlatnu medalju

Berina Suljić (Dizdarević), učenica trećeg razreda Tursko-bosanskog koledža u Sarajevu, iz Tešnja, putovala je u Houston, SAD na olimpijadu takmičenja International Sustainable World Energy, Engineering, and Environment Project Olympiad (ISWEEP) u sastavu reprezentacije Bosne i Hercegovine, **osvojila zlatnu medalju** za projekat "Fitoremedijacija teških metala u vodenim ekosistemima" iz kategorije okoliša između 2.222 prijavljena projekta.



Berina Suljić je odlična učenica, a zbog vrhunskih rezultata prilikom upisa na Tursko-bosanski koledž, dobila je besplatno školovanje što se tiče troškova Koledža. Ovoga puta je Berina uz novčanu nagradu dobila i stipendiju za studij. Nema sumnje da je Berina dobar primjer

mladima (hvala Bogu, nije jedini).

Berina priča da ja na dan održavanja takmičenja sanjala ispisano zlato, i san joj se ostvario. Prije sna Berina je vršila duge pripreme, a posljednjih mjesec dana je bila oslobođena redovne nastave i kaže da se posljednjih 30 dana samo spremala za takmičenje. Snovi se ostvaruju onima koji znaju šta hoće, i koji istrajno rade.

Mnogi pitaju šta su dobili od Države? Berina je od Države dobila samo zastavu, i kaže da je veoma ponosna što je tu zastavu mogla držati u Houstonu, i da je ponosna što je njena država Bosna i Hercegovina. Svaka čast Berina!

Sretno i ubuduće!

Javni poziv za mlade



Prijem aplikacija: 01-30. Juli 2011

http://www.opcina-tesanj.ba/index.php?option=com_content&view=article&id=11899:javni-poziv-najbolje-poslovne-ideje-mladih-&catid=94&Itemid=118



PRED ĆATIĆEVIM MEZAROM

*Isti je nišan nad nama
samo je tvoj bolji
svijet*

Amir Brka

Općinski načelnik
Fuad Šišić

